

梁

袁

風

雅

梁園風雅卷二十四

謝四溟

七言律詩

送許中丞伯誠鎮遼陽

雄才當代擬登壇東度榆關歲欲殘燕嶠暮雲天  
外起遼河春水雪中寒艱虞自謂匡時晚戰伐誰  
知得士難謾說請纓平百越行看仗策靜三韓

送李給事元樹奉使雲中諸鎮

瑣闈朝下促飛旌歲暮看君塞上行戍角動人多  
苦調戎衣走馬半新兵關開涿鹿雲連樹路出蜚

狐雪滿城計日楚才封事上君王深見九邊情

冬夜李鴻臚東明宅同陳戶曹惟學李比

部于鱗賦

寒天開宴宮城西駐馬庭前風色淒海月漸高萬  
戶靜禁鐘初斷羣烏啼他鄉白髮共杯酒故國青  
山還杖藜浪迹長嗟歲序過魯連意氣終歸齊

酬王侍御子梁見寄

臺畔鳥啼夜獨醒憂時不寐向中庭幾看燕嶠秋  
雲白三度梁園春艸青夢斷關河驚過鴈書傳南  
北感浮萍君才況值艱虞日驄馬歸來鬢欲星

春日洹上閒居

芳艸洲邊春水生蒼茫霽色動柴荆風吹楊柳幽人臥日上梨花獨鳥鳴泉石自能忘俗事壺觴聊復寄閒情千年好憶東方朔金馬能兼大隱名

暮春

寒食又過羈旅間風光滿眼非家山啼鳥聒聒晝眠起落花冥冥春事閒四壁有琴對綠酒百年無藥回朱顏杖藜何處遣吾意溪上白雲時往還

五華觀

五華峰頭斜日明玄都碧樹風煙清道人本是鸞

鶴侶客子亦知雲水情萬古仙踪寶書在三春靈氣瑤芝生亂山深處不易到自掃石崖題姓名

玉巖寺

玉巖門開風色涼我來登眺北斗傍老禪雲間誦真偈童子石上焚名香摩尼珠光自寂照菩提樹影何冥茫深林兀坐不歸去清磬一聲催夕陽

送謝武選少安犒師固原因還蜀會兄葬天書早下促星輶二月關河凍欲消白首應憐班定遠黃金先賜霍嫖姚秦雲曉度三川水蜀道春通萬里橋一對郭筒腸欲斷鵠鵠原上艸蕭蕭

送章行人景南使閩中

春盡天涯感別離。滄波極目去。帆遲江南到。處塞芳杜海上先。秋薦荔枝明月。每勞燕市夢。白雲遙寄越鄉思。山靈暫爾留旌節。獨立西風賦武夷。

送彭進士子殷謫豫章

清朝遠謫自悲吟。六月鳴蟬滿上林。帆度九江秋水闊。樹連三楚暮雲深。滕王閣迥瞻霄漢。徐孺祠荒慨古今。獨向天涯正搖落。西風應起帝鄉心。

送張憲副子受赴閩中

長安七月送使君。駐馬惜此川。途分清尊能共幾。

宵醉白鴈不知何處聞潮平江門萬里櫂城壓海

樹千重雲高秋開府倚長劒望極中原吟夕曛

秋夜陳內翰子結第同孟得之對月有賦

陳遵投轄罄交歡池上酣吟並倚欄月到玉堂秋  
轉靜天迴瑤闕夜偏寒坐聽客子穿雲笛恍見仙  
人承露盤金馬明晨還待詔清光應憶此時看

中秋無月同李子朱王元美李于鱗比部

賦得城字

四野蒼茫雲霧生月華暗度鳳凰城樽前不辨銀  
河影樓外空傳玉笛聲鴻雁清秋游子意梧桐白

露故園情謝莊欲賦還惆悵今夜關山何處明

送顧汝修歸上海

千里飛霜葉下初知君回首憶鱸魚潮生瓜步移  
孤櫂路轉吳淞是舊廬海上白雲秋不斷天南明  
月夜何如梅花歲暮應攀折驛使相逢有報書

宿榆林驛

寒夜榆林門獨開愁看霜露滿蒼苔驛燈孤照征  
人夢邊月高懸落鴈哀胡虜幾窺青海戍烽煙又  
上白登臺當年李廣空遺恨蕭颯天風正北來

馮郡丞汝言入計暫還海口吳郎中峻伯

沈參軍子剛出餞同賦得山字

歲暮長安送客還驛亭疎柳不堪攀星輶欲發仍呼酒春艸相期一解顏陌上清霜迎劒鳥笛中明月動關山海門凍合三吳舫此日馮唐鬢易班

送符主簿之蜀

陌上離歌仍把袂尊前芳艸惜離羣逶迤獨馬乘春去續斷清猿入夜聞錦水東搖三峽月蜀天西盡萬山雲宦遊莫惜梅花信歲暮長安定憶君

送朱明府仲開謫平樂教授

黃鳥鳴時別禁園宦情南去復誰論鄭虔此日聊

詩句陶令何年共酒樽秋到百蠻思北鴈雲迷三

楚望中原滄江寂寞芙蓉老官舍長歌獨閉門

天寧寺同章景南李于鱗王元美錢別李

伯承還宰新喻得春字：

野寺門前楊柳新一樽同此駐征輪西山物候仍  
餘雪南國芳菲更有春楚櫂正逢歸塞鴈淮雲遙  
送渡江人他時陶令應相憶不待秋霜下綠蘋

送王侍御子梁按河南

塞上初歸復此行燕南極目送飛旌天連嵩嶽寒  
雲盡馬度黃河春艸生簪筆常思未央殿封章時

發大梁城知君最愛應劉賦更向西園一寄聲

送許克之下第歸歷城

獨馬遲遲春尚寒曉衝疎雨出長安白雲又伴山  
中臥芳艸誰同湖上看不負才名須徇監豈容生  
事老漁竿壯遊共擬磨崖賦海岱秋高木葉丹

送汪惟善歸婺源

久別天涯鴈獨知帝城多病見君遲入門不暇論  
心事把手相看惜鬢絲半夜琴尊猶是夢百年湖  
海竟難期陌頭春盡芳菲歇匹馬斜陽獨去時

送鳥鼠山人胡世甫西歸

愁中忽過薊門春歸騎蕭條復向秦白首全生逢  
聖主青山何意見騷人隴雲朝度鄉關近渭水晴  
分草樹新自是楊雄多著述百年寧負舊綸巾

秋夜即席爲南岑丈賦

絳燭含花照綺羅瓊筵徹夜奏笙歌醉來有興新  
詩健交到知心勝會多風度千門傳鼓角雲開萬  
里出星河甕頭再熟黃花酒應待山人步月過

栗道甫夜過送別

茅屋茶煙待客時山中別駕暮相期共逢昭代耽  
佳句自笑殘年費苦思入夜星河林鳥定先秋風

露草蟲知坐談漸轉南樓月不盡離懷歸去遲

同王明甫登玉皇閣

共探勝迹訪玄都閣上憑虛日欲晡客路星霜嗟  
老病聖朝風俗見唐虞天橫一鳥心何迴地合羣  
山興不孤同是玉皇香案吏君今廊廟我江湖

春日登伏牛山遙望秦中因憶栗士學馮  
汝言二方伯李廷實大參莫子良廉憲姜

宗孝紀恒甫二憲副

伏牛形勝鬱嶙峋二月風光客興新半嶺夕陽惟  
照雪千松寒色不知春天連山勢全雄晉地轉河

流遠界秦寄語關中幾遊宦虞卿祇是著書人

送蕭逸人歸永豐

久客天涯鬢欲皤西江歸去一漁蓑香鑪峰外煙  
雲合石鼓潭邊雷雨多素月三秋黃鶴夢清風千  
古紫芝歌山窗幽寂誰相伴隨意鳴琴向薜蘿

有感

出門何處覓丹丘天地茫茫鬢欲秋賈傅上書空  
有意楊雄識字竟多愁雲飛碧落還無定水到滄  
溟自不流客子孤懷成浩歎長虹斜掛鳳凰樓

李將軍尚倫獻策不果詩以慰之

獻策金門空自歸旌旗西下亂雲飛孤城夜月催  
刀斗大漠秋霜犯鐵衣早晚廟廊應定算古今功  
業在知機百年幾欲收河套多少英雄有是非

秋日山中漫興

涼風倒吹沙石灣白波如練搖青山老蛟深蟠大  
澤底獨鶴長叫空林間入雲樵子偶同話臨澗菊  
花堪破顏短杖遲留淨塵慮耳邊飛溜清潺潺

中秋宴集

滿空華月好登樓坐倚高寒攬翠裘江漢光翻千  
里雪桂花香動萬山秋黃龍塞上征夫淚丹鳳城

中少婦愁詞客共耽今夜酒謾彈瑤瑟唱伊州

秋夜有感

老去生涯一短筇  
幾年河嶽寄行踪  
城邊瑟瑟高秋樹  
天外沈沈靜夜鐘  
風急沙洲移鶴雀  
雲深潭水護蛟龍  
邇來不見同心侶  
無奈狂歌阮嗣宗

望紫金山有作

隔河一帶碧嶙峋  
薄暮登臺注望頻  
古洞深松歸老鶴  
金山瑤草待幽人  
泉奔巨壑常風雨  
月傍高壇自鬼神  
丹侶有期應不負  
三花樹底醉長春

陽臺宮

探奇迢遞來珠宮岡巒煙色青濛濛一聲兩聲自  
幽鳥千樹萬樹皆秋風地留參井草堂廢洞掩白  
雲丹竈空僊馭杳然不復見蒼涼月出蓬萊東

天壇山

二首

薜衣草履離塵氛曳杖日隨猿鳥羣已黃未黃老  
樹葉欲動不動空山雲擬招作賦班內史兼有寫  
經王右軍太乙泉頭共清酌嘯歌莫遣人間聞  
日上大荒寒霧開重巒沓嶂爭崔嵬山靈制虎畫  
不出牧子牽牛時復來錦石低鄰薜蘿逕絳雲高  
捧金銀臺此間勝絕好遊眺謾說祖龍東海迴

晚登天壇絕頂

遙向蓬壺探海月謾扶藜杖嘯天風路盤翠壁千層上人在蒼山萬點中王母鸞歸深洞閉軒皇龍去古臺空憑虛極望斷消息柿葉滿巖秋自紅

秋夜聞笛

塞鴻欲下何遲遲長笛隔樓誰一吹月冷關山不盡意風高楊柳無全枝征人空館夢迴處少婦孤燈腸斷時况我朋游半凋落山陽作賦千年悲

小有洞

洞口瑤花秋尚開老猿孤鶴幾徘徊松巖獨把道

書坐蓬海虛疑仙駕來赤葉風翻千仞澗蒼崖雲  
濕萬年苔誰知異代還惆悵底事桃源采藥迴

華蓋山晚眺

一入名山深復深躋攀不倦漫長吟歸鴉千點日  
銜嶺猛虎一聲風滿林勝地自堪依道侶丹砂誰  
解變黃金芽君桂父渺何處時聽半天鐘磬音

秋日懷弟

生涯憐汝自樵蘇時序驚心尚道途別後幾年兒  
女大望中千里弟兄孤秋天落木愁多少夜雨殘  
燈夢有無遙想故園揮涕淚況聞寒鴈下江湖

黃河舟中漫作

黃河一望青天平夏禹神功千古情日出水東鴈  
鶩起風來空外波濤生櫂隨超忽自無定身在杳  
茫誰不驚舉目俄然近沙渚傍人遙指梁王城

朱儼鎮弔岳武穆

中原何幸見將軍一劒長驅胡馬羣戰伐功高天  
意在廟堂策定帝圖分只今營壘空秋月終古旌  
旗有暮雲遺恨幾多隄上柳冷風淒雨不堪聞

送吳將軍北伐

連營鼙鼓送斜曛北伐應期霍冠軍鐵馬蹋殘胡

地草金戈揮斷朔方雲將材此日寧虛負邊事頻  
年不忍聞豪俠從來多慷慨幾人鐘鼎勒奇勲

林慮北園待李子周不至

北園臺榭雨晴初坐對羣峰澹自如四野暝煙飛  
白鳥半池秋水落紅葉海天月近幽棲處石樹風  
生浩唱餘清夜放懷須酒伴隔林猶自聽來車

寄紫微宮李道士

憶昔儂宮宴賞頻步玄曲調一時新玉壺倒瀉滄  
溟水瑤草平分闌苑春簷外片雲閒似我階前孤  
鶴老於人別來幾度驚秋序夢繞煙蘿古澗濱

贈王羽士

爛舟道人何所之白鶴赤鳳常相隨雲霞舒卷自無意寒暑往來渾不知海月低涵玉膏酒天風徐動冰桃枝三山水涸巨鼈死獨抱玄虛無盡期

送張良玉還任城

抱琴孤嘯天漫漫醉裏涼風吹鶴冠世曠能傳廣陵曲調高誰賞雍門彈海蛟逼岸水雲動山鬼傍人松月寒翻然東歸歲欲暮太白樓上凭闌干

牡丹

洛下名花迥絕塵寶闌斜倚見風神香飄梁苑聚

仙子色壓漢宮無美人宿霧暗侵芳骨冷曉霞低  
照靚妝新謝家祇解題紅藥此日狂吟醉好春

無題

楚女春心不自持月明誰唱竹枝詞瓊簪玉珥何  
顏色翠幕朱闌且歲時燕子樓空傷往事杜鵑花  
老負歸期江頭幾處風和雨轉覺湘靈瑟調悲

越女歌

曉風吹散江天霞越女出門來浣紗秋水低飛鶴  
鶴子煙汀半落芙蓉花慵妝雅素少同調顧影遲  
回聊自嗟不遇蹇修一懷古苧蘿山下西施家

征夫歎

漠北單于耽射獵雲中都護擁旌旄  
征夫淚墮故鄉遠戍角聲悲寒月高絕塞胡霜侵  
劒戟陰山鬼火照蓬蒿從來百戰輕生死獨倚轅門感二毛

感懷走筆

客居無定緩歸期西盡邊城幾故知浪迹久違陶  
令社鬱懷何限阮公詩醉中長夜輕千古豪右浮  
名漫一時鳳鳥不來春又去桐花零落最高枝

寄南都蔡侍郎子木

聖朝南北兩長安班賦摛毫信不難臺去鳳凰乘

月待山連龍虎出雲看夜深斗極心應遠秋老天涯鬢欲殘人在鄴中曾憶否一聲旅鴈下江干

寄皇甫百泉僉憲

玄晏何時序有成兩都曾賦待齊名病辭楚醴衡茅掩春到吳江杜若生地迥獨兼龍虎勢臺空誰繼鳳凰聲水犀甲士疲征伐愁鬢知君白幾莖

張爐山廉憲晉陽以書見招因擢南京都憲不果行賦此寄意

路出中原慙壯遊試看形勝舊皇州秣陵山抱連天起揚子波平蕩日流親友寄書通蜀舸朝廷息

戰佩吳鈞鳳凰臺上仍相約共賦江南萬里秋

送紀太守明瑞入覲兼省親

縹渺雙旌向北飛遙看喜色動庭闈  
關中劒佩趨丹宸天上風雲護紫微  
策馬帝鄉成晝錦聽鸞客路換春衣  
太原父老應相望楊柳河橋立夕暉

冬夜尹明府遇夫宴集因憶何少卿治象  
梁憲副公濟

天寒地主見情親雉堞參雲鴈塞鄰  
十載別懷今夜酒數莖短髮舊游人  
雪庭照席偷明月凍樹垂花像早春  
遙憶二君臯白社方知歲暮有松筠

題吳郎中溫叔山房

早辭京國風塵倦爲愛山房泉壑重移榻夜深垂  
萬象登臺秋迥出千峰獨蹲班虎雲邊石半隱蒼  
龍雪後松燈下思君見奇絕忽驚春夢戍樓中

送別周學憲子才

世事難期此宦遊蛾眉別有妬中愁淒清鼓瑟元  
高調轉折鳴橈是遠流春草漸青鄉國路浮雲全  
白帝京樓遙知北望成多感二月風光淡若秋

清明遊西園有感

客轉汾陽時禁煙太行雲渺故鄉天齊中一弟悲

西隴鄴下諸兒走北阡桃李未花春氣晚河山獨賦老懷偏重來祇恐芳菲盡啼殺黃鸝空自憐

岱岱

絕頂登攀海日明下看蟻垤隱孤城玉童不見雲霞渺丹侶相從杖屨輕漢石塵迷千古字秦松風起半天聲欲探靈異來遲暮自覺人間負此生

過楊子畏別業登樓同田深甫醉賦

遙望河流一縷微憑虛俯見亂鴉飛雲流檻外生寒色霞落草中駐晚暉共賦高秋能不倦登樓後約恐長違仲宣老去隨萍梗湖海茫茫幾夢歸

夜集梁武選公濟園亭同何稽勲治象得  
秋字

問子東去欲何求日觀峰高獨勝遊離合此生能  
幾醉嘯歌今故相留庭前松桂偏宜月笛裏關  
山別是秋他日鳴珂還有意停雲時傍鳳池頭

同何治象梁公濟登會仙山

野菊迎霜猶自開漫乘野興一追陪談玄更欲尋  
瑤草舉白聊須坐石苔落日半山松掩映閒雲滿  
地鶴徘徊仙人去後餘風景知有千年我輩來

春日懷馮汝言

岸幘行吟向落暉  
西原聊自采芳菲  
白駒轉眼浮生老  
黃鳥驚心舊侶違  
楊子風濤南望遠  
秣陵春信北來稀  
還思並馬漁陽路  
回首孤雲塞上飛

夜集陸道畱官舍同丁子學張肖甫漫賦  
烏鵲翻飛月滿城  
可堪漂泊旅魂驚  
三秋共賦嗟吾老  
四海論心見友生  
天轉明河分夜色  
風吹落木亂寒聲  
醉來擊筑高臺上  
燕趙悲歌自古情

暮秋郊行偶述

太行迢遞起蒼煙  
淒斷鳴鴻倚杖前  
南阻黃金愁落日  
東遊阜帽感當年  
山城秋老行邊樹  
河甸寒落日

生戰後天獨有王孫多俠氣千金駿馬獵荒田

送蹇武選子脩使秦中便道還巴郡

都亭離宴對斜暉萬里星軺歲暮歸蜀嶺雲低迎  
畫錦巴江草綠換春衣天連上國書難達山斷中  
原夢不違南北嚴兵當此日豈容常掩故園扉

送張給事仲安擢蜀中叅政

暫停軒蓋離人醉忽聽河橋去馬嘶悵望那堪春  
艸徧勞歌不盡夕陽低天開鳥道三秦外地入蠶  
叢萬嶺西抗疏只今憂轉切幾回春夢到金闕

吳給事明卿謫江西詩以寄之

瑣聞當日起才名忽訝春風萬里行河北書傳楊  
子路天南帆落豫章城騷人弔古非湘怨遷客悲  
秋自楚聲帝里舊游今散盡浮雲回首獨含情

送張僉憲子用赴滇南兼訊李司封隆仲  
旌旄飛去拂蠻煙萬里緘書不易傳對月幾臨滇  
水上悲秋非復楚江邊地偏今古無多雪春滿西  
南欲盡天遷客相逢莫辭醉異鄉梅柳歎華年

送武稚川使太和山

使星清曉發征鞍不憚冰霜行路難三楚勝遊當  
歲暮萬山深入正春寒中天氣動青霞館北斗光

搖紫極壇祝罷還應覓瑤艸歸來好獻主人看

姜宗孝應辟過鄴賦此用贈

當年雪月醉宵分十度梅花始見君巴蜀勝遊偏  
有賦東南多事豈堪聞江溝夕蕩金陵月山氣寒  
生劒閣雲此去乘秋須上疏三吳好練水犀軍

秋集杜子奇園亭顧聖少同賦

辭官高臥故園秋亭榭常招枚馬儔老去襟期聊  
共賦醉來風物轉相留霜花簇簇明三徑煙樹蒼  
蒼暗一丘莫向梁園重懷古歌鐘淒斷使人愁

閒居張伊嗣見過

鄴都形勝帶衡漳風土相依即故鄉閒到白頭真是拙醉逢青眼不知狂城雲無色日將暮籬菊多花天有霜世故莫談心自遠隨君好去臥沙莊

曉起

老去翻多惜子孫朝來且復問鷄豚杖藜何處堪頻往詩草經年紙半存白髮嬾梳書在手青苔不掃客過門閒雲肯爲山人住好對西窗濁酒尊

同王兆期遊定晉巖值雪宿達公禪房

扶筇躡屩到禪扉巖壑幽深人跡稀石鏡有光收物色冰泉不響待春暉雲低貝葉窗前合雪亂天

花簷外飛話久好同支遁宿興高寧逐子猷歸

題秦丈順甫別業

老去翻言著述勞蕭然別業在蓬蒿不交公府心能定偶過田家興自高萬竹清風移短榻雙流白鳥逐輕舠瑣闈尚憶同心侶草疏當年已二毛

寄贈劉監察質卿時按山東

兩見乘驄過鄴臺偶談時事故徘徊千年柱史匡周室一代經綸得楚才帝里風雲從北轉海天霜月自東來今秋齊魯收名士爲國愁顏暫爾開

寄鎮性禪師

草庭馴鵠傍誰飛雲瑣山房何日歸帝里寧教淹  
錫杖京塵猶恐上綃衣路通三晉音書杳雨隔諸  
天鐘磬微却憶少林風雪夜一燈相對話禪機

寄沈參政敬叔

美人憶昔在朝端青瑣書來幾度看禹穴古踪探  
不易沈樓高詠和應難圖披兩浙江天迴夢到三  
吳海月寒君宦中原無定轍逢人有意問衰殘

謁漢光武原陵

龍飛白水兆中興天定滹沱十月冰半夜客星思  
漢室千年王氣感原陵山靈松檳殊相護地勝樵

蘇詎敢登試讀班虎王命論萬峰依舊巒峻嶒

過周節推尚占因談嵩嶽之勝

伊洛尋真竟不逢歸來對爾說仙蹤兩遊洞壑清  
何劇獨眺煙嵐翠幾重庭樹月招緂嶺鶴郡齋風  
落少林鐘寧言何遜觀梅興夢到三花天外峰

山寺客居簡張太守汝才

勝地留人不可行山開石路走泉聲松門有客從  
今賦蓮社多賢自古名五馬隔城寒日下亂鴉投  
樹暝煙生使君臥閣應相憶遙聽山鐘一寄情

次溫中丞純甫遊風穴寺韻

翠柏連山成茂林禪家鐘磬半天音孤筇雙屐表  
年興白石清流太古心野兔自潛秋艸合嶺鴉羣  
聚夕陽沈故人安得同遊眺對酒賡歌倚碧岑

劉太守以德之大梁余將赴潞安賦此言別

西署爲郎已著名分符歲暮此專城肯孤上黨緘  
書意爲寄南州下榻情長路風威嘶五馬大河日  
影曳雙旌梁園公子如相問著述應憐老未成

送客遊洞庭湖

相逢楚客問巴州此去揚帆湖上遊天漢長連洞

庭水雲霞半入岳陽樓低空白鴈投寒渚隔浦丹  
楓照暮秋莫向湘君聽鼓瑟黃陵月冷不勝愁

立秋先一夜同吳峻伯孫文揆徐汝思李

于鱗王元美五比部登城得秋字

幾年詞客鳳城遊薊北河山共倚樓清夜桂尊聊  
對月明朝蓬鬢又驚秋風飄玉笛淒初斷天轉銀  
河倒欲流遙憶故園砧杵動梧桐一葉起人愁

送龔侍御性之赴南都

萬里天風吹鐵冠三吳秋水正漫漫匣中星動劍  
光白帆外霜飛江色寒鴻鴈早傳瓜步信芙蓉還

傍石城看南都賦就應相憶明月孤尊坐夜闌

夜集吳比部鳴仲宅賦得秋月

庭艸驚秋白露垂冰輪漸覺度河遲光臨鳳闕清  
鐘斷寒入龍庭畫角悲天際幾看鴻鴈影山中又  
老桂花枝共知庾亮南樓夜曾爲勲名感鬢絲

登五峰山有感

樹杪躋攀石磴懸手扶藜杖出風煙東分遼海千  
重嶺北盡胡沙萬里天秋草征夫烽堠外夕陽歸  
鳥戍樓邊時看白骨成悲感爲憶嫖姚戰伐年

夾山寺

黎河路轉入煙霞爲訪蓮峰衲子家萬古山靈開  
白馬三秋石窟閉青蛇曇雲不作空中雨祇樹還  
生象外花欲共虛堂留此夜燈前仍復演三車

酌沈太守汝石宅值雨

孤城有客駐征鞍下榻今宵重鶻冠疊嶂煙雲當  
戶暝老槐風雨逼人寒開尊最喜天涯合爲郡偏  
憂塞上難自信隱侯籌策定肯教雙鬢歎凋殘

重陽夜簡張太僕熙伯

欲采菊花秋可憐清霜半壓黃金錢百年人事總  
身外九日風光聊眼前羈客愁當鼓角夜孤鴻叫

入江湖天涯雄効動靈氣吾欲贈之張茂先

送戶曹茂參募兵真定諸郡

人辭京國黃塵外霜落滹沱白鴈前驛騎先飛秋  
艸路使旌高捲夕陽天欲招遊俠傾三輔擬見驅  
馳靜九邊班固爲郎寧久滯還期此去勒燕然

送計庫部允卿募兵山東

京甸秋高羽檄馳可憐萬姓半瘡痍當朝遣使憂  
方切募士防邊計未遲山氣作寒侵道路海風吹  
雪上旌旗齊中還訪穰苴輩推轂論功正此時

送萬少叅茂卿還任山東

亂後相逢復幾朝使君行色動河橋宦情千里清  
樽盡國計頻年白髮饒驛道書通秋塞鴈海門帆  
度夕陽潮魯連意氣須今日此去齊城可更招

秋夜有感

涼宵力疾步莓苔欲賦高秋媿楚才白髮祇緣人  
事老黃花偏傍客愁開樽前獨坐星河轉燈下悲  
歌風雨來還憶重陽離亂後故園惆悵一登臺

夜集應員外瑞伯宇聞吳山人子充談匡

廬之勝得山字

吳楚遨遊鬢已斑對人猶自說廬山九江形勝來

樽外五老雲霞生座間古洞月明今夜夢滿天秋  
色幾時攀何如早結東林社瀑布聲中任往還

送毛明府伯祥之羊城

君今初捧郎官檄此去羊城道路賒海上有雲連  
蜃氣嶺南無雪到梅花行春策馬青山近退食鳴  
琴白日斜回首風塵迷北望幾逢燕使問京華

送趙汝中歸垣曲

天涯作客空成賦歲杪還家未拜官到日音書仍  
北寄別時風物重西看雲迷燕趙千山暮雪滿關  
河一騎寒樽酒相期春草綠好聽鴻鴈度長安

送王理卿歸平原

春來三日君即歸長安陌上車塵飛滄洲有約自  
知晚白鴈多情相見稀千里還應歎萍梗一樽誰  
更采芳菲平原舊侶論心處肯向天邊望少微

程侍御信夫至因話關中之勝

爲問三秦驄馬使獨探形勝故遲回雲扶華嶽中  
天起地轉河西極來秋草空迷長樂苑夕陽猶  
傍集靈臺漢家千載論封禪應惜文園作賦才

冬夜同宣允則集徐進士子與宅

城上烏啼春雪餘滿庭寒色月來初病當歲晚心

方切老向天涯計轉疎湖海相知今夜酒風塵一

別幾年書可堪京國多烽火王粲誰憐未定居

雪夜集吳進士明可宅候李給事元樹吳

進士子修不至得樓字

黃雲黯澹低神州風雪晚來殊未休春色連天變  
老樹寒光奪月明高樓初成謝賦此時興還聽郢  
歌中夜留二妙不來更乘燭笛聲淒斷梅花愁

初春夜同沈子文梁公實薛思素進士宗  
子相比部賦得聲字

雪盡長風吹禁城梅花零落此時情關河月暗迷

鴻影宮殿春寒澀漏聲亂後騷人同百感年來壯士苦長征樽前莫話邊庭事彈劍悲歌氣未平

送沈郎中宗周出守順慶

明星當戶動征鞍此去春光道路看巴子地形天外轉嘉陵江色郡中寒三秋戰伐掄才急四海誅求出牧難沈約未須裁八詠倚樓時復望長安

送林比部章之使南海

迢遞炎方數驛亭更憐天外九疑青纖綃欲看鮫人室鼓瑟還逢帝子靈兩過羊城春浩浩雲連鯨海夕冥冥看君飛櫂乘流去多少南冠問使星

送經大理叔和使山東

使車乘曉出都門東去關河春色繁草徧王程馳  
白日花深官舍閑黃昏燈前獨檢于公傳海上還  
分孝婦冤應待高秋登日觀滿山松桂一開樽

送袁比部履善使桂林

桂林此去八千里春滿江山君獨看白鴈聲從衡  
嶽轉清湘流入楚天寒時經候館頻題竹漫向芳  
洲一采蘭虞帝祠前饒古思緘書早爲報長安

東臯草堂爲徐封君寄題

日出太湖煙水平有人舒嘯多幽情三春蘭發兩

中色半夜鶴傳空外聲門對丹霞意獨遠琴彈白  
雪心何清滄浪來去自漁父聽罷櫂歌還濯纓

青龍橋上有感

去秋胡騎此縱橫驃騎乘時議北征四野晴煙猶  
慘色千邨寒食重悲聲黃鸝獨嚬杏花盡白日低  
臨湖水平萬戶徵求今轉劇何人駐馬問春耕

玉虛觀訪羽士不值

日高攜杖入深松爲訪仙人悵不逢春藥滿山誰  
共采煖雲低徑自相從長歌且向湖邊路後約還  
聽月下鐘欲問丹砂九還日凌虛同爾馭茅龍

送馮職方晉敘拜陵廟

明光初下早鶯啼野色晴開綠艸齊曉樹度旌旆  
檄北春雲逐馬漢陵西山靈暫駐還堪賦天險遙  
看未易躋仗策須君清玉塞壯圖何日報金闕

送楊侍御以公按真定

君從淮海動威聲燕趙乘春復此行世事憂深持  
白簡天驕亂後惜蒼生馬經滹水魚龍避霜下恒  
山道路清遙夜鳥啼何限思坐看孤月度嚴城

送張少叅赴慶陽

使君飛旆入長安欲賦山川馬上看二華東臨河

甸迴五陵西去塞雲寒單于牧馬春何急壯士論  
兵日轉難仗策此行多慷慨乘秋一戰定皋蘭

寄趙憲副萬舉時屯兵白羊口

匣開雄劒動寒光坐擁奇兵斷白羊獨夜憂深山  
月墮三秋日極塞雲長燕中甲士能驅馬河北丁  
男慣射狼此日功名須一戰莫教胡虜遁龍荒

秋夜靈濟宮同薛朱二進士賦

晚來騎馬過仙壇寶笈靈文試一看月度三花瑤  
殿靜風吹獨鶴玉階寒漫聞天籟知秋遠共酌霞  
觴坐夜闌會待他年遊汗漫武夷相約訪還丹

送張少叅子明還任山東

薊門過鼓發樓船送別君侯南浦邊秋水晴分鴻  
鴈渚晚霜寒動菊花天東方賦斂嗟今日上國兵  
戈憶往年遙想四愁吟不盡鵲山湖上渺風煙

秋暮登城寄宋憲副德完

極目西山負勝遊晚來還上最高樓霜飄燕甸生  
寒色風入滹河急暝流我亦謝家慚賦月君非楚  
客謾悲秋北門鎮靜須長効東海行歌任白頭

殷太史正夫馬死詩以悼之

房星一夕墮燕臺苜蓿秋花空自開金埒蕭條餘

鶴轡玉堂惆悵失龍媒早朝尚憶嘶風去夜醉猶憐踴月回此日昭王已陳迹中涓曾復問君來

皇甫水部道隆謫大梁詩以寄懷

聞君遙自楚天來一到梁園見賦才搖落舊曾悲屈宋寂寥今復弔鄒枚黃河蕩日寒聲轉嵩嶽連空遠色開何事弟兄俱謫宦西風愁對菊花杯

梁園風雅卷二十四

梁園風雅卷二十五

謝四溟

五言排律

正月十七夜集孫都督志健太史志高昆

季宅

昨賞度星橋張燈復此宵已經佳節過何意美人招巷靜鐘初徹庭寒雪未消論文片月轉拂劖七星搖禮樂開賓集簪纓接聖朝名齊周太史功擬漢嫖姚歌鳳時方異登龍路不遙還期醉同賦御

柳簇春條

梁園風雅卷之五  
一

石佛廢寺

峽轉逢孤寺庭荒起暮煙石堂惟有薜松樹不知  
年劫火關塵世名香斷勝緣登臨霜艸地想像雨  
花天何處飛馴鵠無由見老禪梵音泉自落法鏡  
月空懸淨土還如此浮生空惘然門前車馬客誰  
復問青蓮

塞下

路出古雲州風沙吹不休鳥鳶下空磧駝馬渡寒  
流地曠邊聲動天高朔氣浮霜連窮海夕月照大  
荒秋擊鼓番王醉吹笳漢女愁龍城若復取俠士

幾封侯

送胡戶曹伯常遷襄府左史

歲晚襄陽道憐君去國賒襟期同賈傅風景即長  
沙作賦湘娥浦談經帝子家此懷傾竹葉何日寄  
梅花漢水度春鴈楚山橫暮霞浮雲渺不極直北  
望京華

送董克平宰六合

君才試百里乘曉出長安樽俎沙頭別帆檣天際  
看東南應星宿淮海得郎官王氣秣陵近潮聲瓜  
步寒早鶯啼縣郭春艸遍江干寶劒還誰識瑤琴

且自彈歌謡知俗變案牘坐更殘若憶風騷侶迢

遙寄楚蘭

歲暮北上留別趙王枕易殿下

咫尺望宮城高雲縱復橫女牛天上隔河漢夜深  
明孤月三秋色寒螿幾處聲蘭花憐早悴桂樹憶  
冬榮門下留故叔尊前款穆生恩多空自感道在  
豈須盟桑梓東歸夢風塵北去情飄零能事少悲  
壯短歌成逸調非中散窮途即步兵懸知魏王子  
不負建安名

陳太守元卿書至自鄴賦此答之

爲郡經年別聲名自下車山川賣甲後風俗建安  
餘驛路頻歸夢交情一報書孤鴻當晚落萬柳入  
秋疎月白饒鄉思天寒滯客居陳蕃舊榻在今日  
爲誰虛

送江職方謝武庫董武選督戰

平胡今下詔劖佩肅朝班力盡羣公策愁深壯士  
顏變龍遭聖代騏驥出天閑戰捷輕生際功多重  
賞間征塵連古塞殺氣暗秋山擬勒燕然石前驅  
莫遣還

暮雪集姜太史節之宅同包庸之賦

向夕變山川寒深歲暮天旌旗斷海戍煙火聚江  
船獨鳥歸何後征人悵不前玉堂輝自動瑤闕爍  
相連酒訶新豐貴冰增太液堅媚春殊可賦照夜  
迴堪憐留滯龍門客逍遙鶴氅仙共看漢太史還  
爲紀豐年

初春夜集王元美宅餞別吳峻伯徐汝思  
袁履善三比部出使得盃字

共餞江南客芳筵候月來漏催詩艸就春報燭花  
開把袂終千里論心更一盃風人今夜聚星使幾  
時回官舍遙聞笛宮庭暗落梅相看倍惆悵殘雪

照燕臺

送中丞許公伯誠出鎮昌平

才名動海內白首華山阿閱世存涇渭逢時謝薛  
蘿幾年懷趙璧獨醉發燕歌賦陋陰常侍功高馬  
伏波金鉦傳鴈塞鐵騎渡榆河長嘯將平虜雄圖  
定偃戈春生千嶂早雲傍七陵多應憶論文侷山  
城一鴈過

送歸叅軍體之使居庸

叅軍初奉使早發玉河隈雪盡關山路天低龍虎  
臺揚旌海樹斷驅馬塞雲開曉色城頭月春聲笛

裏梅沙場莽迢遞亭障鬱崔嵬候鴈從南轉邊風  
自北來枕戈憂國步草檄見君才擬待銘功日長  
纓繁虜回

送童侍御仲良謫羊城

把袂看春早天涯幾故知離歌初斷處遷客欲行  
時帆度三江盡雲飛五嶺遲炎方殊物色秋水澹  
心期正氣驚山鬼威名伏島夷瘴煙聊復酒海月  
尚堪詩地遠身仍健官清俗可移羅浮春萬里還

望早梅枝

春夜同玉峰禪師遊湖上

夜出招提境滄浪意不孤偶經花浦歇動有竹筇  
扶清淨同禪侶疎狂信老夫暖沙閑白鳥春雨發  
青蒲樹斷星垂野天空月滿湖摩尼珠獨在長此  
照虛無

夏日同李于鱗賈守準劉子成宗子相四  
比部南溪汎舟

散步過林塘相隨上野航沿流狎魚鳥嚼藕得冰  
霜共擬西湖勝還乘北渚涼桂尊移白日蘭櫂轉  
滄浪楊柳綠隄合菰蒲出水長酣歌意不盡晚色

正蒼茫

七夕留別汪伯陽李于鱗王元美得知字  
久客言歸計留連幾故知鵲橋星夜度燕館月沈  
時天上纔歡洽人間有別離晴分絳河影秋動白  
榆枝佳醑還成醉萍蹤不可期年年湖海上今夕  
定相思

秋暮登臺寄李太守子朱

獨立高臺望蒼茫路不分天長橫晚照野曠帶秋  
雲上國悲遊子東方得使君心常關吏事才更出  
人羣燕趙仍思戰瘡痍詎忍聞黃花回襍虜細柳  
駐將軍阮籍豈徒醉魯連還解紛掛帆滄海去重

擬共論文

寄莫憲副子良時督學貴州

河亭連夜醉送送  
薊門東海色春帆外  
鶯聲曉樹中別來  
驚落葉老去感  
征鴻帝里人猶滯  
蠻方信未通時遭孟  
獲變誰繼武侯功  
旅鬢三秋改憂心  
萬里同星羅文有象  
月照思無窮後約殊修阻  
何當馭北風

冬夜集張兵部茂叅宅

秉燭坐深更嚴城亂柝聲  
寒雲雙闕迴夜雪萬家  
明世事清樽盡邊愁白髮生  
匡時須計遠和虜竟

功成自有張衡賦誰憐李廣情劖塵時一拂莫遣  
暗龍精

送李侍御源甫奉使雲中諸鎮

柱史江南彥翩翩威鳳姿名從丹闕著才拔赤城  
奇霜陌乘驄早寒燈草疏遲壯心驚物候憂色向  
邊陲直出雲中道高翻雪外旗星連劖光動風助  
角聲悲實塞民窮日屯兵歲杪時孤懷坐永夜擬  
報內庭知

送馬憲副吉甫使雲中諸鎮

歲暮辭天闕旌旗蕩去塵行邊諳戰守隨事見經

綸曠野寧無感勞歌獨有神關山驅馬道風雪荷  
戈人紫塞兵猶慕黃金賞亦頻樹勲班定遠畫策  
漢平津亂柝初驚夜孤城欲動春山東近多將君  
意在麒麟

送汪郎中伯陽出守北地

五馬衝寒色冰霜滿去程君王憂北地父老望前  
旌典郡才方振防年計不輕河山分陝服形勢輔  
咸京樹隱青蛇廟天空白豹城人家盡周俗羌笛  
半秦聲夜月登樓嘯春風露冕行試看循吏傳終

古定垂名

送張別駕堯咨之臨清

吾郡本齊地使君當此遊東西抱河水表裏壯城  
樓臘雪馬前盡春雲堂外流舟車兩京道賦役萬  
家憂和璧才堪重處刀志未休素懷誰與會孤月  
照人秋

董職方德甫時轉光祿卿賦此贈之

三秋心力盡經略見才雄董策今誰並班銘志已  
同纔收衛律叛更賞霍家功神武惟龍準憑陵自  
犬戎兵張羣議後官轉百憂中候火驚燕甸宵衣  
想漢宮將星寒動塞卿月夜臨空尚憶長征子持

戈向北風

寄蔡衡州子木

聞道湘東勝偏宜游宦情山川壯荆楚翼軫麗瓈  
衡白鴈夕連渚丹楓秋滿城樓高分嶽色地迥散  
江聲早歲能爲郡中原舊著名有才逢聖代不寐  
爲蒼生驛使無書札蠻方尚甲兵何時同醉賦上  
苑待春鶯

送庫部楊郎中守嚴州

共說新都勝今推良牧才揚帆征鴈盡領郡早梅  
開江到桐廬合山從天目來雲寒伍胥廟月白子

陵臺弔古乘驛過行春露冕回長安懷舊好尺素  
幾時裁

寄塞上王侍御子梁

君王重簡命爾志在澄清節鉞分西顧風雲護北  
征羽旗荒外合騁馬雪中行直渡桑乾水還臨驃  
騎營九關多猛士百戰有長城夜半仍傳檄天寒  
未解兵黑山橫寶劒青海動金鉦獨拄防邊策兼  
收抗疏名虛心當國事高議見儒生壯歲思銘鼎  
空言陋請纓乘秋摧虜氣計日答皇情應遣龍庭  
使馳書到玉京

送朱駕部伯鄰使塞上

早發佩龍泉人看紫氣纏河梁懷落落旌節去翩  
翩嶺暗飛狐月關開白馬天寒雲抱亭障枯柳散  
烏鳶路轉長城下山橫返照邊胡笳淒復斷海戍  
馬相連滿眼農桑地驚心戰伐年風塵諸將老勲  
業幾人全北使明星動南歸新月懸應思寶車騎  
何事勒燕然

送王郎中學甫出守安慶

結綠殊增價飛黃早出羣賢聲定腕國經術自河  
汾竹馬來童子蒲鞭得使君訟庭閑晚照官樹澹

春雲文物古今勝江山吳楚分歌謠起清夜幾向  
月中聞

登遵化城樓

地道通遼海山嵐隱薊門登城秋艸徧拂劒早霜  
繁清切聞蘆管蒼茫見塞垣健兒屯北戍戰馬出  
中原羽檄黃塵動牙旗白日翻窮邊思李牧異代  
感劉琨旅况聊成賦戎機未易論從茲謝游好歸

臥舊山樊

送申職方儀卿謫東萊推官

防虜周王策開邊漢將功兵戈今日倦議論古人

同赤縣烽煙裏蒼生賦役中許身酬聖主隨事贊  
元戎自謂屠龍技那知失馬翁商歌臨別路宦迹  
感飛蓬日落雙旌遠天高一劒雄郡齋留凍雪海  
樹待春風時變才須補官清道未窮遙知坐深夜  
霜月滿齊東

送陸比部子韶決獄江南

西曹持漢律南使發吳吟落月嚴城早寒蟬別思  
深九秋行蕭殺萬木動蕭森帆下石頭夕雲連楊  
子陰榜人偏利涉詞客重登臨爲愛陸機賦悠悠  
千古心

雪中劉稽勲體乾宅賦此志別

雨雪逢殘歲長途斷客行翻空何脈脈到地故輕  
輕陰接黃雲塞春歸紫禁城池憐寒玉淨樹訶早  
花明照夜千山色因風萬戶聲臥袁真是嬾訪戴  
亦多情寶劒靈常動冰壺虛更清巨源能啓事嵇  
叔愛藏名郢曲今誰和燕歌老自平試看東郭履  
還向鹿門耕

送謝給事汝學蜀中封王

使星入巴蜀使者下金闈軒冕離樽罷風塵去馬  
嘶王孫重茅土天子錫桐圭地出函關外山通棧

道西衣裳沾雪冷旌旆拂雲低樹斷分金馬江清  
見石犀獨臨諸葛井還汎浣花溪異世懷張載應  
留劖閣題

登天寧寺塔

舍利藏千古靈光夜夜開簷高色界盡天近法雲  
來鵠自虛空轉龍將風雨回地形標疊嶂河勢見  
三臺徒向人間老深慙鄴下才今從遠公社登眺  
思悠哉

酬樊侍御文敘見寄

故交成遠別幾度感征鴻近得山濤啓深知仲嵩

忠天留三殿疏人避兩都驄誰有匡時計君期絕代功巡行威趙北戰伐念江東節鉞長吟裏冰霜獨坐中論兵何日定憂國此心同莫道狂夫醉扶桑欲掛弓

寄懷戶部翟員外十韻

大雅昔同社爲郎書報遲黃花寒自發白鴈夕何之邊餉烽煙處中懷鼓角時山林憂共繫歲月道相期聊取浮生醉寧求異代知家無步兵酒世有嗣宗詩計部勞心力功臣重鼎彝乾坤吾老矣霜露自淒其漢室存元氣漳流寄遠思風胡今不見

龍効失雄雌

寄贈謝竹亭公子

同宗自何代安石越中家麗水散金色藍田分玉芽飛揚君可羨疎嬾自堪嗟慕進馳心遠詩成寄興賒月高燕市酒春滿沁園花遙想鳴珂處翩翩白鼻騶

寄孔方伯汝錫

每憶汾陽約何爲代北游神交太行迥調合建安流高步雲隨杖窮邊雪照樓虜驕輕出入吾老重淹留厚祿誰思報嚴兵只禦秋材官幾人在國士

百年憂上古元無戰中丞自有謀冰清閑鶴渚潭  
冷閉龍湫舊社獨來去春醪那唱酬相逢話時事  
感慨望神州

冬夜劉伯東官署同謝侍郎楊總制吳郎  
中王計部宴集

浩氣乾坤迴孤懷歲月遲龍荒天盡處鴈塞臘殘  
時凍澀莓苔徑寒凝冰雪池雲山成慘澹霧樹隱  
參差醉後寧無感歌中別有悲雅交因道合僻性  
復誰知客久頻歸夢年來幾會期相逢不披豁何  
以重遐思

送林廣文茂德宰懷遠

俎豆辭三晉文章重七閩遙馳薌門路又負杏園春憶昨青槐冷於今墨綬新山川和璞地風俗禹墟人列宿元相應清淮迴自鄰君才且百里玄鬚有經綸

登代州城樓望老營堡有感

寒色浮城上遐荒盡目前南雲接汾晉東路轉幽燕烽舉兵威振冬來殺氣連烈風胡馬亂斜照漢旌懸諸將寧無術三軍更可憐黃昏出鬼火白日斷人煙實賴中朝盛還期衆壘全死生多爲國賞

罰本由天擣賦吾聊爾憑高此悵然感懷空佇立  
枯木下烏鳶

寄懷王主簿兆期

憶昔探巖壑行吟春雪中松門隨意歇石鏡照心  
同聯榻期仍擬回驛興未窮一樽留謝眺萬卷比  
楊雄鶴轉風塵下鸞棲枳棘叢於今翻百感猶自  
恨西東

七言排律

寄李吏部一元

停驛鄴下憶當時一夕論文識面遲別後春花誰

共賦望中秋鴈漫相思青山自合陶潛醉白首纔  
逢鮑叔知驛騎故憐筋力遠鳳凰寧恃羽毛奇獨  
嗟歲月疎書札偶向風塵倒接籜古劖通靈堪自  
佩明珠投暗豈無疑天南舊侶同懷抱海內詞人  
各路岐莫道雲霞多變幻建安風雅定吾師

送李憲伯子高之成都

朝發汾陽金鼓催攀轅父老重徘徊風人別賦偏  
多感星使傳書不易來自信精誠同夢寐幾經節  
序各尊罍世逢有道歸勲業官到全名見偉才萬  
里行時秦塞轉千峰盡處蜀天開錦江明月中心

迥好看清光 照憲臺

送方子文下第歸清源

少小同遊久別離 相逢忽訝鬢成絲  
風塵握手非當日 物候驚心共此時  
東閣寧論招士處 上林還擬看花期  
青山晚照行堪遠 黃鳥春聲聽不遲  
老去功名應自慰 古來詞賦重相知  
馬卿信有凌雲氣 和氏無勞抱玉悲  
會待神駒開道路 且將靈劍混雄雌  
幾人失意曾相送 折盡都亭楊柳枝

送吳比部峻伯使豫章

詔下明光散玉珂 西曹帝遣布陽和  
江天遙向豫

章去春艸還從吳會過沙帶曉雲飛鴈驚浪搖晴  
日見鼈蠚青蘋忽起騷人興明月常聞榜子歌彭  
蠡星光連劖動匡廬秋色傍船多梅仙縹渺空煙  
水徐孺招尋自薜蘿四牡南行知不倦雙魚北寄  
定如何王程迢遞重回首應憶春風別潞河

送馮駕部伯祥出守羊城

折柳踟躕傍御闈長亭回首夕陽西獨看芳草初  
成賦相聚浮萍又解攜出浦櫂聲空外杳隔林帆  
影雨中遲三江路盡煙嵐迥百越城高牛女低日  
上火田鳴翡翠風翔炎海躍鯨鯢尉佗舊俗還能

化陶侃遺蹤可自題共道掄才今代盛遙知爲郡  
古人齊行春露冕青山下父老爭迎五馬嘶

送朱太史象玄使襄府

舊識華亭陸士衡歲殘相別重含情離筵日落天  
邊樹去路春浮雪外旌探勝西南增遠思采詩江  
漢得遺聲梅花遲客開湘浦桐葉封王下楚城諸  
葛井空芳艸合羊公碑斷綠苔生青山弔古應長  
嘯北望風雲是帝京

梁園風雅卷二十五